



ՀԱՅԿԱԶ ԱՐԱՄՅԱՆ
«ՆԱՍԴԱՔ ՕՒՍՏՔԸ ԱՐՄԵՆԻԱ» ԲԲԸ(ՀԿԴ)
բիզնես աղմբնիստրատոր,
ՀՊՏՀ ֆինանսների ամբիոնի ասպիրանտ

**ՏՆՏԵՍՈՒԹՅԱՆ ՎՐԱ ԴՐԱՄԱՎԱՐԿԱՅԻՆ
ՔԱՂԱՔԱԿԱՆՈՒԹՅԱՆ ԱԶԳԵՑՈՒԹՅԱՆ
ՓՈԽԱՆՑՈՒՄԱՅԻՆ ՄԵԽԱՆԻՉՄՆԵՐԻ
ԳՆԱՀԱՏՈՒՄԸ ՀՀ-ՈՒ**

Դրամավարկային քաղաքականության փոխանցումային մեխանիզմների արդյունավետությունից է կապված, թե Կենտրոնական բանկը որքանով կվարողանա ազդել տնտեսությունում գների, քրաղվածության, ամբողջական պահանջարկի և, վերջիվերջո, տնտեսական աճի վրա: <ողվածք նվիրված է ՀՀ-ում վերոնշյալ մեխանիզմների արդյունավետության գնահատման հետ կապված հարցերի բննարկմանը: Փոխանցումային նշված մեխանիզմները գնահատելու նպատակով առանձին-առանձին վերլուծվել են տոկոսադրույթի, վարկավորման, հարստության և փոխարժեքի ուղիները բնութագրող հիմնական ցուցանիշները, կատարվել են համապատասխան եզրահանգումներ:

Հիմնաբառեր. փոխանցումային մեխանիզմ, տոկոսադրույթի ուղի, վարկավորման ուղի, հարստության կամ ակտիվների գների ուղի, փոխարժեքի ուղի, ֆինանսական շուկայի զարգացածություն

JEL: E5, E52, E58, E59

Դրամավարկային քաղաքականության փոխանցումային մեխանիզմները սահմանում են ուղիներ, որոնցով ազդում են տնտեսության, մասնավորապես՝ ամբողջական պահանջարկի և գների վրա՝ արդյունքում ազդելով նաև ընկերությունների, տնային տնտեսությունների և ֆինանսական միջնորդների սպառնան և ներդրումային որոշումների վրա¹: Զնայած դրամավարկային քա-

¹ Տե՛ս Era Dabla-Norris and Holger Floerkemeier, Transmission Mechanisms of Monetary Policy in Armenia: Evidence from VAR Analysis, November, 2006:

դաքականության վերաբերյալ տեսություններում առաջարկվում են փոխանցումային ուղիների տարրեր դասակարգումներ, այնուամենայնիվ, բոլորում էլ առանձնացվում են դրամավարկային քաղաքականության հետևյալ փոխանցումային մեխանիզմները. տոկոսադրույթի, վարկավորման, հարստության կամ ակտիվների գների, փոխարժեքի ուղիներ:

Դրամավարկային քաղաքականության փոխանցումային մեխանիզմների արդյունավետությունից է կախված, թե որքանով կենտրոնական բանկը կկարողանա ազդել տնտեսությունում գների, գբաղվածության, ամբողջական պահանջարկի և տնտեսական աճի վրա, ինչն էլ ցանկացած երկրի կենտրոնական բանկի, այդ թվում՝ ՀՀ կենտրոնական բանկի գերխնդիրներից մեկն է:

Դրամավարկային քաղաքականության փոխանցումային մեխանիզմները տարբեր են ըստ երկրների՝ պայմանավորված դրամն ֆինանսական միջնորդության զարգացման մակարդակով, այն է՝ բանկային համակարգի, կապիտալի շուկայի զարգացմամբ²:

Միջազգային ոլորտում կատարված վերլուծությունները ցույց են տալիս, որ զարգացած ֆինանսական շուկաներ ունեցող երկրներում առավել գործուն է դրամավարկային քաղաքականության տոկոսադրույթի փոխանցումային ուղին, մինչդեռ զարգացող և անցումային տնտեսությամբ երկրներին առավել բնորոշ է փոխարժեքի ուղին: Տոկոսադրույթի, վարկավորման և հարստության ուղիները անարդյունավետ են թերզարգացած կապիտալի շուկաներ և ոչ բանկային ֆինանսական ինստիտուտներ ունեցող երկրներում³:

Նախքան ՀՀ-ում դրամավարկային քաղաքականության փոխանցումային ուղիներին անդրադառնալը, դիտարկենք տարբեր եկամտային խմբերում ընդգրկված երկրների և Հայաստանի ֆինանսական զարգացման համեմատական ցուցանիշները, որն էլ հենց վերոնշյալ ուղիների արդյունավետության նախադրյալն է:

Տարբեր եկամտային խմբերում ընդգրկված երկրների և ՀՀ ֆինանսական զարգացման համեմատական ցուցանիշները կարելի է ներկայացնել այսուսակի միջոցով (այսուսակ 1):

Առաջին հետևությունը, որ կարող ենք կատարել ըստ ներկայացված տվյալների այն է, որ ՀՀ ֆինանսական համակարգում արժեթղթերի շուկան շատ փոքր դերակատարում ունի, որն հատկանշական է նաև ցածր եկամտով երկրների համար: Ընդ որում, արժեթղթերի, մասնավորապես՝ բաժնետոմսերի շուկան բնութագրող բոլոր ցուցանիշներով ՀՀ-ն զիջում է դիտարկվող երկրների խմբին: Նույնը կարող ենք ասել նաև ոչ բանկային ֆինանսական ինստիտուտների, այդ թվում՝ ապահովագրական ընկերությունների ակտիվների վերաբերյալ, որոնք ևս նվազ են դիտարկվող այլ երկրների համապատասխան ցուցանիշներից (այսուսակ 1):

Եթե ՀՀ ֆինանսական համակարգի ոչ բանկային հատվածի դերակատարությունը փոքր է, ապա բանկային հատվածը, բացառությամբ բանկային ավանդներ/ՀՆՍ հարաբերակցության, գերազանցում է նաև միջին եկամտով երկրներին, ինչը խոսում է զարգացած, բայց, միևնույն ժամանակ մենաշնորհային բանկային համակարգի առկայության մասին:

² Տե՛ս Checetti S., Legal Structure, Financial Structure, and the Monetary Policy, Transmission Mechanism,” Federal Reserve Bank of New York, Economic Policy, Review, July, 1999:

³ Տե՛ս Coricelli F., Lgert B. and MacDonald R., Monetary Transmission Mechanism in Central and Eastern Europe: Surveying the Empirical Evidence, 2005:

Աղյուսակ 1

Տարբեր եկամտային խմբերում ընդգրկված երկրների և ՀՀ ֆինանսական գարզացման համեմատական ցուցանիշները 2015 թ.⁴

	Բարձր եկամտով երկրներ	Միջին եկամտով երկրներ	Թաքր եկամտով երկրներ	Հայաստան
Փողի լայն զանգված (%, ՀՆԱ)	121.45	130.00	35.59	36.76
Գնաճ (տարեկան %)	0.29	3.10	3.55	3.73
Բանկային վարկեր (%, ՀՆԱ)*	91.13	36.13	13.46	45.14
Բանկային ավանդներ (%, ՀՆԱ)*	78.95	42.00	18.68	26.95
Փոխառության և ավանդի տոկոսա- դրույթների սպեեր (%)*	4.26	6.43	11.32	5.98
Բանկային ակտիվներ (%, ՀՆԱ)*	102.70	44.97	19.20	50.79
Ոչ բանկային ֆինանսական ինստի- տուտների ակտիվներ (%, ՀՆԱ)*	3.08	6.88	1.76	0.87
Ապահովագրական ընկերությունների ակտիվներ (%, ՀՆԱ)*	29.74	3.08	5.24	0.96
Շուկայական կապիտալացում (%, ՀՆԱ)	118.61	60.80	19.73 **	1.22 **
Շրջանառվող բաժնետոմսերի ընդիհանուր ծավալ (%, ՀՆԱ)	158.15	183.80	0.20 **	0.007 **
Բաժնետոմսերի շուկայի շրջանառելիու- թյան գործակից (%)*	48.05	17.89	1.44 **	0.79 **

* Տվյալներն ըստ 2014 թ.

** Տվյալներն ըստ 2012 թ.

ՀՀ-ում, ինչպես նաև ցածր եկամտով երկրներում փոքր է նաև դրամա-
կան լայն զանգվածի տեսակարար կշիռը ՀՍԱ-ում, և, հաշվի առնելով այն
հանգամանքը, որ փողի զանգվածը էական դեր ունի տոկոսադրույթի ուղղու-
գործելու համար, վերջինս ևս կարող է անարդյունավետ լինել վերոնշյալ
երկրների պարագայում:

Ուստի կարելի է ենթադրել, որ ՀՀ-ում, ինչպես նաև ցածր եկամտով
երկրներում առավել գործուն կարող է լինել դրամավարկային քաղաքակա-
նության վարկավորման փոխանցումային մեխանիզմը: Միևնույն ժամանակ,
հաշվի առնելով ՀՀ-ում դոլարայնացման բարձր մակարդակը (գծապատկեր
3), այստեղ առավել արդյունավետ կարող է գործել դրամավարկային քաղա-
քականության փոխարժեքային ուղին:


Այժմ անդրադառնանք ՀՀ-ում դրամավարկային քաղաքականության
փոխանցումային ուղիներից յուրաքանչյուրին և բացահայտենք դրանց ար-
դյունավետությանը խոչընդունող հանգամանքները:

Վերլուծությունը սկսելով տոկոսադրույթի ուղղուց՝ նախ նշենք, որ տոկո-
սադրույթի ուղին դրսևորվում է ամբողջական պահանջարկի վրա տոկոսա-
դրույթների ազդեցության միջոցով: Քենայան ավանդական մոտեցման համա-
ձայն՝ դրամավարկային քաղաքականությունը կարող է ազդել փոխառության
իրական ծախսերի վրա անվանական կարճաժամկետ տոկոսադրույթի սահ-
մաննան (փոփոխման) միջոցով, ինչն էլ հենց տոկոսադրույթի ուղղու դրսև-
ությունն է: Վերջինիս ազդեցության մեխանիզմը բավական պարզ է. գների ան-

⁴ Աղյուսակը կազմվել է Համաշխարհային բանկի և Արժույթի միջազգային հիմնադրամի պաշտո-
նական տվյալների բազայում հրապարակված տվյալների հիման վրա:

փոփոխության պայմաններում անվանական տոկոսադրույթի աճը հանգեցնում է իրական տոկոսադրույթի և, հետևաբար՝ ֆինանսական ռեսուրսների ներգրավման ծախսերի աճին, իսկ ֆինանսական ռեսուրսների թանկացումն էլ, իր հերթին, պատճառ է դաշնում սպառման և ներդրումների կրծատմանը:

Տոկոսադրույթի ուղղությունավետությունը ՀՀ-ում գնահատելու համար գծապատկերի միջոցով ներկայացնենք փոփոխության, դրամական միջոցների ներգրավման և վերջիններիս սպրեդի շարժընթացը 1995–2016 թթ.



Գծապատկեր 1. ՀՀ-ում փոփոխության, դրամական միջոցների ներգրավման և վերջիններիս սպրեդի շարժընթացը 1995–2016 թթ.⁵


Ըստ գծապատկերի՝ մինչև 2010 թ. ՀՀ-ում փոփոխության տոկոսադրույթի և դրամական միջոցների ներգրավման տոկոսադրույթի սպրեդը բավական մեծ է եղել (2010 թ. ավելի քան 10 տոկոս), թերևս, պայմանավորված բանկային շուկայի հատվածավորմամբ և բանկերի միջև ցածր մրցակցությամբ: Վերջինս տոկոսադրույթի ուղղությունը խոչընդոտ է, քանի որ, հավանաբար, նվազում է վարկերի ավանդների պահանջարկի առաձգականությունը համապատասխան տոկոսադրույթներից: Սակայն պետք է նշել, որ, 2010 թ. սկսած, տոկոսադրույթի սպրեդը շարունակ նվազել է՝ 2015 թ. կազմելով 3.4 տոկոս, ընդ որում, սպրեդի նվազումը դրսուրպել է փոփոխության և դրամական միջոցների ներգրավման տոկոսադրույթների նվազմանը գուգահեռ, ինչը կարևոր նախադրյալ է ՀՀ-ում դրամավարկային քաղաքականության տոկոսադրույթի ուղղությունավետության մակարդակի բարձրացման համար: 2016-ին տոկոսադրույթի սպրեդը աճել է՝ դաշնալով 5.7՝ պայմանավորված դրամական միջոցների ներգրավման տոկոսադրույթի նվազմանք:

Եթե տոկոսադրույթի սպրեդի շարժընթացը վերջին տարիներին նպաստում է տոկոսադրույթի ուղղությունավետությամբ, ապա մոնետարացման ցածր մակարդակը և ոչ բանկային ֆինանսական ինստիտուտների թերզարգացման էական խոչընդոտներ են: Ոչ բանկային ֆինանսական ինստիտուտների թերզարգացումն ակնհայտ երևում է այլուսակում 1-ում բերված տվյալներից, իսկ ինչ վերաբերում է մոնետարացման գործակցին, ապա այն շուրջ 4 անգամ զիջում է բարձր և միջին եկամուտ ունեցող երկրների ցուցանիշները, որտեղ առավել արդյունավետ է հենց տոկոսադրույթի ուղին: Սակայն հարկ է նշել, որ փողի ագրեգատների տեսակարար կշիռը ՀՀ-ում

⁵ Գծապատկերները կառուցվել են Համաշխարհային բանկի. Արժույթի միջազգային հիմնադրամի պաշտոնական տվյալների բազայում հրապարակված տվյալների հիման վրա:

շարունակ աճում է, մասնավորապես՝ M2x-ի և ՀՆԱ հարաբերակցությունը դիտարկվող ժամանակաշրջանի ընթացքում աճել է շուրջ 3 անգամ (գծապատկեր 2):


Գծապատկերի օգնությամբ ներկայացնենք մոնետարացման ցուցանիշների շարժմանը 2005–2016 թվականներին:



Գծապատկեր 2. ՀՀ-ում մոնետարացման ցուցանիշների շարժմանը շարժմանը 2005–2016 թթ.⁶

Բացի մոնետարացման ցածր մակարդակից և ոչ բանկային ֆինանսական ինստիտուտների թերզարգացումից, տոկոսադրույթի ուղղու անարդյունավետությունը պայմանավորված է նաև ՀՀ ֆինանսական համակարգի դուրսայնացման բարձր մակարդակով (գծապատկեր 3), ինչի հետևանքով դրամավարկային քաղաքականության տոկոսադրույթների փոփոխությունը չի ազդում դուրսայնած վարկերի և ավանդների տոկոսադրույթների վրա:

ՀՀ-ում դուրսայնացման մակարդակը բնութագրող ցուցանիշների շարժմանը կարելի է ներկայացնել գծապատկերի միջոցով:



Գծապատկեր 3. ՀՀ-ում դուրսայնացման մակարդակը բնութագրող ցուցանիշների շարժմանը 2005–2016 թթ.⁷


⁶ Գծապատկերները կառուցվել են ՀՀ կենտրոնական բանկի տարեկան տեղեկագրերի հիման վրա:

Ինչպես տեսնում ենք, ՀՀ-ում առավել բարձր են ավանդների և վարկերի դոլարայնացման գործակիցները, մասնավորապես՝ 2016 թ. դեկտեմբերի դրությամբ դրանք, համապատասխանաբար, կազմում են 71,5 և 65 տոկոս: Սա նշանակում է, որ ՀՀ կենտրոնական բանկի կողմից տոկոսադրույթի փոփոխությունը գրեթե չի անդրադառնա դոլարային ավանդների և վարկերի տոկոսադրույթների և, հետևաբար՝ տնտեսությունում առկա փողի առաջարկի փոփոխության վրա:

Անդրադառնալով դրամավարկային քաղաքականության վարկավորման ուղղուն՝ նաև նշենք, որ վերջինիս ազդեցությունը դրսևորվում է բանկային վարկավորման ծավալների միջոցով: Դրա էությունն այն է, որ կենտրոնական բանկը, նպատակ ունենալով նվազեցնելու առևտրային բանկերի պահուստային միջոցները, կրճատում է վերջիններիս տրամադրվող վարկային միջոցների ծավալները կամ էլ փոփոխում առևտրային բանկերի պահուստավորման տոկոսադրույթը: Այս ամենը ազդում է բանկերի կողմից իրականացվող վարկավորման ծավալների վրա, որի պատճառով բանկային վարկից կախվածություն ունեցող ֆիրմաները և տնային տնտեսությունները սպառնական ծախսերի կրճատումից բացի այլընտրանք չեն ունենում:

Վարկավորման ուղին ՀՀ-ում համեմատաբար գործում է, որի միջոցով Կենտրոնական բանկը կարողանում է ազդել առևտրային բանկերի վարկավորման առաջարկի վրա: Այնուամենայնիվ, պետք է նշել, որ՝ ՀՀ բանկերի՝ ֆինանսավորման այլ աղբյուրներից միջոցներ ներգրավելու հնարավորությունը վերջիններիս դարձնում է անտարբեր զայտող դրամավարկային քաղաքականության նկատմամբ: Վարկավորման ուղղու խոչընդոտ է նաև տնտեսավարող սուբյեկտների՝ բանկային վարկերից փոքր կախվածությունը. այս դեպքում որպես բանկային վարկին այլընտրանք են ծառայում պաշտոնական տրամսֆերտները և օտարերկրյա բանկերից ներգրավված վարկերը⁸:

ՀՀ բանկային համակարգը բնութագրող ցուցանիշների շարժընթացը 2005–2016 թթ. ներկայացնենք գծապատկերի միջոցով.



Գծապատկեր 4. ՀՀ բանկային համակարգը բնութագրող ցուցանիշների շարժընթացը 2005–2016 թթ.⁹

⁷ Գծապատկերները կառուցվել են ՀՀ կենտրոնական բանկի տարեկան տեղեկագրերի հիման վրա:

⁸ Տես **Era Dabla-Norris** and **Holger Floerkemeier**, նշվ. աշխ.:

⁹ Գծապատկերը կազմվել է Համաշխարհային բանկի պաշտոնական տվյալների բազայում հրապարակված տվյալների հիման վրա:

ՀՀ-ում դիտարկվող ժամանակահատվածի ընթացքում բանկային համակարգը բնութագրող բոլոր ցուցանիշներն էլ կայուն աճ են արձանագրել, մասնավորապես, սկսած 2007 թ.՝ այդ թվում նաև համաշխարհային ֆինանսատնտեսական զգնաժամկետությունը: Ընդ որում, 2005–2016 թթ. ընթացքում բանկային ավանդներ/ՀՆԱ հարաբերակցությունն աճել է շուրջ 5.2, իսկ բանկային ակտիվներ/ՀՆԱ և բանկային վարկեր/ՀՆԱ հարաբերակցությունը համապատասխանաբար 8.9 և 5.79 անգամ, ինչն, անկասկած, նախադրյալներ է ստեղծում վարկավորման ուղղությունավետ գործունեության համար:

Այստեղ հարկ է նշել նաև, որ որպես վարկավորման ուղղությունավետության մակարդակի բարձրացման գործիք է ծառայում պարտադիր պահուստավորման տոկոսադրույքը, որի նվազեցումը կարող է նպաստել տնտեսությունում վարկավորման ծավալների աճին: Այստեղ հատկանշական է ՀՀ ԿԲ-ի կողմից 2015 թ. ընդունված որոշումը, համաձայն որի կորպորատիվ պարտատոմսերի թողարկման միջոցով առևտորային բանկերն ազատվում են ներգրավված միջոցների նկատմամբ պարտադիր պահուստավորում իրականացնելու պարտավորությունից: Վերջինս կարող է նպաստել ինչպես ՀՀ կորպորատիվ պարտատոմսերի շուկայի զարգացմանը, այնպես էլ վարկավորման և հետազայում նաև հարստության ուղղությունավետության բարձրացմանը:


Դրամավարկային քաղաքականության փոխանցումային ուղին հարստության կամ ակտիվների գների ուղին է, որը դրսենորվում է արժեթղթերի շուկայում եկամտաբերության և տնտեսավարող սուբյեկտների բարեկեցության աճի միջոցով: Հարստության ուղին առաջին անգամ դիտարկվել է Ֆրանկո Մոդիլիանիի և Ալբերտ Էնդի կողմից խնայողությունների վարկածը քննարկելիս: Դա գործում է հետևյալ կերպ. նախ՝ տոկոսադրույքների փոփոխությունը հանգեցնում է ֆինանսական ակտիվների գների փոփոխությանը, որոնցում ներդրվել են տնային տնտեսությունների խնայողությունները (բաժնետոմսեր, պարտատոմսեր, բանկարժեք մետաղներ), իսկ ֆինանսական ակտիվների գների աճն ու նվազումն էլ, համապատասխանաբար, նպաստում են տնային տնտեսությունների հարստության, հետևաբար՝ սպառողական ծախսերի և/կամ ներդրումների ավելացմանը: Այս ուղին հատուկ է զարգացած ֆինանսական շուկաներ ունեցող տնտեսություններին, ուստի, պայմանավորված ՀՀ արժեթղթերի, այդ թվում՝ բաժնային ֆինանսական գործիքների շուկայի թերզարգացմանը (աղյուսակ 1), ՀՀ-ում խիստ անարդյունավետ է գործում:

Դրամավարկային քաղաքականության փոխարժեքային ուղին տնտեսության վրա դրամավարկային քաղաքականության ազդեցության առանցքային ուղիներից մեկն է: Այստեղ կարևոր է տոկոսադրույքային համարժեքի սահմանումը: Այս ուղղությունը առանձնահատկությունն այն է, որ տնտեսության վրա ազդեցությունը դրսենորվում է ազգային արժույթի ամրապնդման կամ թուլացման միջոցով: Այսպես՝ ազգային արժույթի ամրապնդումը հանգեցնում գուտ արտահաննան և ամբողջական պահանջարկի նվազմանը, և հակառակը: Վերոնշյալ ուղին կիրառվում է նիստ բաց տնտեսություն ունեցող երկրներում:

ՀՀ-ում դրամավարկային քաղաքականության ամենաարդյունավետ մեխանիզմը, թերևս, հենց փոխարժեքի ուղին է, ինչը պայմանավորված է հետևյալ հանգանանքներով. նախ՝ բարձր է ներմուծման տեսակարար կշիռը ՀՆԱ-ում (2016 թ. դրությամբ կազմում է ավելի քան 30 տոկոս), երկրորդ՝ բարձր է ՀՀ-ում դոլարայնացման մակարդակը (գծապատկեր 3), երրորդ՝ ՀՀ

տնտեսությունը էականորեն կախված է օտարերկրյա տրանսֆերտներից, չորրորդ՝ ՀՀ դրամի արժևորումը և արժեգրկումը էական դերակատարում ունեն սպառողական ծախսերի վրա:

ԱՄՆ դոլար/ՀՀ դրամ փոխարժեքի ազդեցությունը 2005–2016 թթ. սպառողական գների ինդեքսի և ՀՀ կենտրոնական բանկի գուտ միջազգային պահուստների վրա կարելի է ներկայացնել գծապատկերի միջոցով.



Գծապատկեր 5. ԱՄՆ դոլար/ՀՀ դրամ փոխարժեքի սպառողական գների ինդեքսի և ՀՀ կենտրոնական բանկի գուտ միջազգային պահուստների շարժը 2005–2016 թթ.¹⁰

Ըստ գծապատկերի՝ ԱՄՆ դոլար/ՀՀ դրամ փոխարժեքի և սպառողական գների ինդեքսի միջև փոխազդեցությունը հակադարձ համեմատական է, ինչի մասին փաստում է նաև ցուցանիշների միջև առկա կորելյացիոն կապը. դա դիտարկվող ժամանակահատվածում կազմում է -0.55 *:

Կորելյացիոն կախվածության վերլուծության համաձայն՝ ԱՄՆ դոլար/ՀՀ դրամ փոխարժեքի ազդեցությունը գուտ միջազգային պահուստների վրա ևս հակադարձ համեմատական է և կազմում է -0.17 է*:

Փոխարժեքի ուղու ազդեցությունը դրսորվում է նաև կենտրոնական բանկի արտարժութային ինստրումենտների շրջանակմերում, երբ իրականացվում են արտարժույթի առք ու վաճառքի գործառնություններ (գծապատկեր 6):


Հարկ է նշել, որ, 2016 թ. մարտից սկսած, ՀՀ կենտրոնական բանկը որոշում է կայացրել չմիջամտել արտարժույթի շրջանակմերում, երբ իրականացվում են արտարժույթի առք ու վաճառքի գործառնություններ (գծապատկեր 6):

Հարկ է նշել, որ, 2016 թ. մարտից սկսած, ՀՀ կենտրոնական բանկը որոշում է կայացրել չմիջամտել արտարժույթի շրջանակմերում, երբ իրականացվում են արտարժույթի առք ու վաճառքի գործառնություններ (գծապատկեր 6):

Հետազոտելով ՀՀ-ում դրամավարկային քաղաքականության փոխանցումային մեխանիզմների դրսորման առանձնահատկությունները և ամփոփելով վերլուծության արդյունքները՝ կարող ենք կատարել հետևյալ եզրակացնումները:

¹⁰ Գծապատկերները կառուցվել են ՀՀ կենտրոնական բանկի տարեկան տեղեկագրերի, ԱՎԾ պաշտոնական կայքում հրապարակված տվյալների հիման վրա:

* Ցուցանիշների փոխադարձ կապը բացահայտելու համար իրականացվել է կորելյացիոն վերլուծություն հիմք ընդունելով ՀՀ կենտրոնական բանկի տարեկան տեղեկագրերի, ԱՎԾ պաշտոնական կայքում հրապարակված տվյալները:



Գծապատկեր 6. «Հենտրոնական բանկի՝ արտաքույթի առք ու վաճառքի գործառնությունների ծավալները և ԱՄՆ դրամ/ՀՀ դրամ փոխարժեքը 2008–2016 թթ.»¹¹

Նախ՝ զարգացած ֆինանսական շուկաներ ունեցող երկրներում առավել գործուն են դրամավարկային քաղաքականության տոկոսադրույթի և ակտիվների կամ հարստության փոխանցումային ուղիները՝ շնորհիվ զարգացած արժեթղթերի շուկայի և ֆինանսական միջնորդության կայացածության: Մինչդեռ, զարգացող և անցումային տնտեսությամբ երկրներին առավել բնորոշ է փոխարժեքի, որոշ երկրների պարագայում՝ վարկավորման ուղին:

Երկրորդ՝ դրամավարկային քաղաքականության տոկոսադրույթի ուղու արդյունավետ գործունեությունը ՀՀ-ում բախվում է մի շարք խոչընդոտմերի, մասնավորապես՝ խոսքը վերաբերում է մոնետարացման ցածր, դոլարայնացման բարձր մակարդակներին և ոչ բանկային ֆինանսական ինստիտուտների թերզարգացմանը: Այս ամենով հանդերձ, տոկոսադրույթի սպեცիֆիկացումը նվազումը նախադրյալներ է ստեղծում վերոնշյալ ուղու արդյունավետության մակարդակի բարձրացման համար:

Երրորդ՝ դրամավարկային քաղաքականության վարկավորման ուղին, չնայած որոշ խոչընդոտմերի, համեմատաբար գործուն է շնորհիվ ՀՀ բանկային համակարգի զարգացածության: Վերջինիս արդյունավետության հետագա մեծացումը կարելի է ապահովել պահուստավորման քաղաքականության մեջմացմանը:

Չորրորդ՝ ի տարբերություն դրամավարկային քաղաքականության հարստության ուղու, որը ՀՀ-ում, թերևս, չի գործում, գրեթե լիարժեք գործուն է փոխարժեքի ուղին՝ առաջին հերթին պայմանավորված ներմուծման մեջ տեսակարար կշռով և դոլարայնացման բարձր մակարդակով:

Ընդհանրացնելով վերլուծությունը՝ պետք է նշել, որ ՀՀ կենտրոնական բանկի ազդեցությունը տնտեսության ակտիվների վրա շարունակում է սահմանափակ մնալ, քանի որ դրամավարկային քաղաքականության փոխանցումային մեխանիզմները գերազանցապես ոչ արդյունավետ են գործում՝ պայմանավորված ՀՀ ֆինանսական համակարգում առկա խնդիրներով և տնտեսության առանձնահատկություններով:

¹¹ Գծապատկերը կառուցվել է «Հենտրոնական բանկի տարեկան տեղեկագրերի հիման վրա:

Օգտագործված գրականություն

- 1.ՀՀ Կենտրոնական բանկի տարեկան տեղեկագրեր, 2005–2015 թթ.:
2.ԱՎԾ պաշտոնական կայք՝ <http://armstat.am/am/?nid=126&id=01001>
3.Համաշխարհային բանկի պաշտոնական տվյալների բազա՝
<http://databank.worldbank.org/data/reports.aspx?source=world-development-indicators>
4.Արժույթի միջազգային հիմնադրամի պաշտոնական տվյալների
բազա՝ <http://data.imf.org/?sk=388DFA60-1D26-4ADE-B505-A05A558D9A42>
5.Checetti S., Legal Structure, Financial Structure, and the Monetary Policy, Transmission Mechanism, Federal Reserve Bank of New York, Economic Policy, Review, July, 1999.
6.Coricelli F., B. Lgert and R. MacDonald, Monetary Transmission Mechanism in Central and Eastern Europe: Surveying the Empirical Evidence, 2005.
7.Era Dabla-Norris and Holger Floerkemeier, Transmission Mechanisms of Monetary Policy in Armenia: Evidence from VAR Analysis, November, 2006.

АЙКАЗ АРАМЯН

Бизнес администратор ООО (ЦДА)
“НАСДАК ОЭМЭКС АРМЕНИЯ”,
аспирант кафедры Финансов АГЭУ

Оценка трансмиссионных механизмов воздействия денежно-кредитной политики на экономику РА.–

От эффективности трансмиссионного механизма денежно-кредитной политики зависит, в какой степени центральный банк сможет влиять на цены, занятость, совокупный спрос и в конечном счете, на экономический рост. Настоящая статья посвящена обсуждению вопросов, связанных с оценкой эффективности этих механизмов. Чтобы оценить эффективность этих механизмов в Армении, по отдельности были рассмотрены и проанализированы основные показатели, характеризующие каналы процентной ставки, кредитования, благосостояния и валютного курса. На основе проведенного анализа были сделаны соответствующие выводы.

Ключевые слова: трансмиссионный механизм, канал процентной ставки, канал благосостояния, канал кредитования, канал валютного курса, развитость финансового рынка.

JEL: E5, E52, E58, E59

HAYKAZ ARAMYAN

*Business Administrator at
“NASDAQ OMX ARMENIA” OJSC (CDA),
PhD in Economics*

Evaluation of the Impact of Monetary Policy Transmission Mechanisms on the RA Economy.– The efficiency of the monetary policy transmission mechanism depends on the extent to which the Central Bank will be able to influence prices in the economy, employment, aggregate demand and finally the economic growth. This article is devoted to the discussion of issues related to the evaluation of the effectiveness of these mechanisms. To assess the effectiveness of these mechanisms in Armenia, the main indicators characterizing interest rate, lending, wealth and exchange rates channel were reviewed and analyzed separately. Based on the analysis, relevant conclusions were drawn.

Key words: *transmission mechanism, interest rate channel, credit channel, wealth or assets price channel, exchange rate channel, financial market development.*

JEL: E5, E52, E58, E59